

Levantine Institute of Tripoli



LEVANTINE INSTITUTE
OF TRIPOLI

LEVANTINE INSTITUTE
OF TRIPOLI

مكالمة تلفون



مكالمة تلفون

أهداف الدرس:

- التعرف على المفردات التي تستخدم للتكلم على الهاتف، تتعرف ع مرادفات وأضداد بعض الكلمات.
- إكتساب مفردات جديدة (مرادفات وأضداد).
- تعزيز مهارة السمع ومهارة الحوار بين الطلاب.
- القدرة على كتابة حوار.
- تعلم كيفية التحدث على الهاتف وأخذ المواعيد والتأجيل والإلغاء.





(بعد عشر دقائق)



رامي:
ألو.



أحمد:
أهلين رامي.



رامي:
وينك، ليش خطك مسكر؟



أحمد:
أنا بالضيعة
والإرسال ضعيف.



رامي:

طيب، يعني بكرا إنت مش
جاي ع الجامعة؟



أحمد:

مبلا، أكيد. بدي شوفك
وندرس سوا.



رامي:

تمام، ما تتأخر.
رح كون ناظر بكافيه الجامعة.



أحمد:

ان شاء الله، يلا باي.



رامي:

الله معك.



١. ليش خط أحمد كان مسكر؟

٢. رح يروح أحمد ع الجامعة؟ كيف عرفت؟

٣. وين رح يكون رامي ناظر أحمد؟

٤. عطي معنى هالكلمات من النص:

نمرة :
أوك :
الشبكة :
مع بعض :

٥. وصل الأضداد:

- | | |
|---------|--------|
| • مبكر | • جاي |
| • قوي | • مسكر |
| • لأ | • ضعيف |
| • رايح | • مبلا |
| • مفتوح | • مأخر |





٢

الحوار الثاني:



تأجيل موعد

جوزيف:

ألو، مرحبا.



السكرتيرة:

أهلين، مين ع الخط؟



جوزيف:

أنا جوزيف. لو سمحتي بدي
أجل مواعيدي عند حكيم العيون
لغير نهار، لأن عندي شغل مهم.



السكرتيرة:

أهلين إستاذ جوزيف. أكيد
تكرم، بس لحظة تشوف لأي
نهار ممكن أجل الموعد.



جوزيف:

أكيد، خدي وقتك.



السكرتيرة:

في موعد بنهار التّنين
الساعة 11 (حَدَاش)
ونص، بيناسبك هالوقت؟



جوزيف:

إي، أكيد، شكراً إلك.



السكرتيرة:

أهلا، ولو.



١. أسئلة:

شو بدّه جوزيف؟ وليش؟

لأيمتى تأجل الموعد؟

٢. وصل الكلمة بمعناها:

- | | |
|-------------|-----------|
| • إذا بتريد | • دكتور |
| • تكرم | • نهار |
| • يوم | • وَلَوْ |
| • حكيم | • لو سمحت |

٣. شو أزداد هالكلمات: (من معلوماتك ومن النص)

عادي # عطي #

بالليل # ثانية #





صورة ونكتة

إيام التسعينات وقبل ما يصير في خليوي، هيك كانوا
يعملوا الحظر لما ما بدهن يردوا ع أيّ إتصال.

عجبتكن الخبرية؟



البلوك بالتسعينات

* كتوب مع زميلك حوار بالتلفون بتحكوا فيه عن تحضير لمشوار ع البحر.






حجز طيران

سام:

ألو، مرحبا، هون مكتب
الإتحاد للسياحة والسفر؟



الموظفة:

إي صح، تفضل.



سام:

لو سَمَحَتي بدي إحجز ع باريس
بعد بكرة.



الموظفة:

إي أكيد، بس لو سمحت
تنظر ثواني.



سام:

أكيد، خدي وقتك.



الموظفة:

في حجز الساعة 9
الصبح، منيح يا إستاذ؟



سام:

إي تمام شكرًا إلك.



الموظفة:

بس لو سمحت بدني اسمك
بالكامل لأعمل الحجز.



سام:

معك سام فريد الحمصي.




الموظفة:

تكرم عينك يا إستاذ،
أهلا وسهلا.



سام:

شكرًا إلك، مع السلامة.



١. أسئلة:

a. لوين مسافر سام؟

b. أي ساعة حجزت الموظفة لسام؟

c. شو طلبت الموظفة من سام لتحجز له؟

٢. عبي الفراغ بالكلمة المناسبة

أَخَذت - لغى - أَجَّل - التلّفون - السكّرْتيرة

..... سلام موعد من ب.....
..... سامي موعدة عند الدكتور لغير يوم لأنه مشغول.
..... فريد موعد دكتور العيون لأنه مسافر.

٣. كتوب حوار مع رفيقك عم تأجل موعد بيناتكن:

بالإستماع والملاحظة

أخذ موعد

سماع الحوار وجواب ع الأسئلة:

a. عند أي حكيم بدها تاخذ نورما موعدا؟

b. أي يوم عطت السكرتيرة نورما موعدا؟

c. شو كان رد السكرتيرة ع كلمة شكراً؟

الحوار:

نورما:

ألو، مرحبا.

السكرتيرة:

ألو، أهلين.

نورما:

بدي أخذ موعد عند حكيم
السنان لو سمحت.

السكرتيرة:

أكيد تكرمي... في بنهار الجمعة
الساعة 12 الظهر، بيناسيك؟

نورما:

إي أكيد، شكراً إلك.

السكرتيرة:

أهلا، تكرمي.



إلغاء موعد

سماع الحوار وجواب بـ صح أو غلط وصحح الغلط

- a. موعد سلمى كان عند أخصائية التغذية.
- b. لغت الموعد لأن مشغولة.
- c. السكرتيرة ما قبلت تلغي الموعد.



الحوار:

سلمى:

ألو، مرحبا.

السكرتير:

أهلا، تفضلي.

سلمى:

كان عندي موعد عند أخصائية التغذية
نهار السبت الساعة 1 الظهر، بدي
إلغيه لو سمحت، لأن عندي سفرة
ضرورية بهالتاريخ و بهالوقت.

السكرتير:

إي أكيد، تكرمي.

سلمى:

شكراً كثير.

السكرتير:

يا هلا و لو.



وصّل الكلمة ع الصورة:

تطبيقات

•

شاشة

•

شرجور

•

رقم




•

بلوتوث

•

سماعات

•



ألفّ جمل لهاالكلمات:

- a. تلفون:
- b. موعد:
- c. رقم:
- d. مشغول:
- e. سماعة:
- f. تطبيقات:





قاموس الدرس

الترجمة للغة الإنكليزية	اللغة العربية
Available	موجود / ة / ين
Service/ s	خدمة / خدمات
Village /s	ضيعة / ضيَع
Service(signal)	إرسال
Weak	ضعيف / ة / ضعاف
University	جامعة/ جامعات
To wait	نظر / بينظر
To postpone	أجل/ بيأجل
To see	شاف / بيشوف
Doctor/s	حكيم / حُكَمَا
To take	أخذ / بياخذ
Earphone/s	سماعة/ سماعات



Application /s	تطبيق / تطبيقات
Number/s	رقم / أرقام
Screen/s	شاشة / شاشات
Office/s	مكتب / مكاتب
Tourism	سياحة
Traveling	سفر
Reservation /s	حجز / حجوزات
To cancel	لغى / يبلغي
Appointment /s	موعد / مواعيد
Traveling (traveler)	مسافر/ة/ين
Busy	مشغول / ة / ين





LEVANTINE INSTITUTE
OF TRIPOLI